

## Кентау тау-кен металлургия техникумы

- XX ғасырдың бел ортасында Оңтүстік өңірінде жарқырап бой көтерген Кентау қаласының өндіріс ошақтарына, құрылысына қажетті мамандар даярлау үшін Қазақ ССР министрлер кеңесі төрағасының орынбасары А.Шариповтың **1964** жылғы 29 желтоқсандағы №2418-р бұйрығымен Кентау қаласында тұңғыш оқу орны «Тау-кен металлургия техникумы» ашылып, М.Б.Каленов директор болып тағайындалды.
- **1965** жылдың қаңтар айының бірінші күнінен өз жұмысын бастаған білім ордасында күндізгі және кешкі екі бөлім жұмыс істей бастайды.
- Алғашқы ашылған жылдары төмендегі мамандықтар бойынша мамандар даярланып, оқытылды:
- «Пайдалы қазбаларды байыту»;
- «Өндіріс орындары мен қондырғылардың электр жабдықтары»;
- «Өндірістік және азаматтық құрылыс»;
- «Рудалы және рудалы емес кен орындарын жер асты өңдеу»;
- «Тау-кен электромеханикасы»;
- **1966** жылы техникум кешкі бөлімде «Өндірістік және азаматтық құрылыс» мамандығы бойынша жиырма екі түлегін ең алғаш қанаттандырып ұшырды.
- **1977** жылы техникумға арнайы стандарт талабына сай салынған ғимараттардың құрылысы толық бітіп, техникум жаңа оқу кешеніне көшті.
- Осы оқу орнын бітірген, еліне қызмет етіп, ел басқарып жүрген көптеген түлектерін техникум мақтан тұтады.
- Техникумның алғашқы түлектері:
- 1. Пайзиев Дүйсенбай – СССР Жоғарғы Советі депутаты;
- 2. Аширов Базарбай – Қазақ ССР Жоғары Советі депутаты;
- 3. Балабиев Рахым – ақын, ҚР жазушылар одағының мүшесі;
- 4. Қамбаров Сейтжан – Қазақ ССР Мемлекеттік сыйлығының лауреаты;
- 5. Габченко Валерий Васильевич – «Ащысайтүстіметалл» комбинатының бас инженері;
- 6. Ибадуллаев Серік Ибадуллаұлы – Оңтүстік Қазақстан облысы әкімдігінің жауапты қызметкері;
- 7. Тлеукеев Е. – Қазақстан Республикасы экология министрлігінің жауапты қызметкері. т.б.

## Кентау көпсалалы колледжінің қысқаша тарихы

XX ғасырдың бел ортасында Оңтүстік өңірінде жарқырап бой көтерген Кентау қаласының өндіріс ошақтарына, құрылысына қажетті мамандар даярлау үшін Қазақ ССР министрлер кеңесі төрағасының орынбасары А.Шариповтың 1964 жылғы 29 желтоқсандағы №2418-р бұйрығымен Кентау қаласында тұңғыш оқу орны «Тау-кен металлургия техникумы» ашылып, оған Мұса Бегалыұлы Каленов директор болып тағайындалды.

Ал, сол кезде осы оқу орынның міндеті өндіріс орындарына білікті мамандар даярлау болды.

М.Б.Каленовтың басқаруымен «Біздің ғасыр – техника ғасыры, өндіріс орындарының өсу ғасыры» - деген ұрандармен алға ұмтылысы өте жоғары болған .

1965 жылдың қаңтар айының бірінші күнінен өз жұмысын бастаған білім ордасында күндізгі және кешкі екі бөлім жұмыс істей бастады.

Алғашқы ашылған жылдары төмендегі мамандықтар бойынша мамандар даярланып, оқытылды:

«Пайдалы қазбаларды байыту»;

«Өндіріс орындары мен қондырғылардың электр жабдықтары»;

«Өндірістік және азаматтық құрылыс»;

«Рудалы және рудалы емес кен орындарын жер асты өңдеу»;

«Тау-кен электромеханикасы».

1966 жылы техникум кешкі бөлімде «Өндірістік және азаматтық құрылыс» мамандығы бойынша жиырма екі түлегін ең алғаш қанаттандырып ұшырды.

Уақыт өте келе бұл оқу орны заман талабына сай қайта құрылып, алғашында, 1992 жылы «Кентау политехникалық колледжі», 1994 жылы «Кентау экономикалық колледжі», кейіннен, 2002 жылы «Кентау көпсалалы колледжі» болып аталды.

1998 жылы ақпан айында Қазақстан Республикасы Білім, мәдениет және денсаулық сақтау министрлігінің, ОҚО Білім департаментінің бұйрықтарымен Абдрахманов Сембек Төреханұлы Кентау экономикалық колледжінің директоры болып тағайындалды.

Біраз қиыншылықтарды бастан кешіп, тұралап қалған колледждің жағдайын дер кезінде көре білген жаңа басшы, алғашқы күннен бастап колледждің материалдық-техникалық базасын нығайтуға барлық күш – жігерін жұмсады.

С.Т.Абдрахманов іскер басшы ретінде оқытушылар мен қызметкерлерге оңтайлы әлеуметтік жағдай жасау бағыттарында жоғары деңгейде көптеген жұмыстар атқарды. Кадр мәселесіне де айрықша көңіл бөлінді. Тәжірибелі оқытушылар, инженерлер және педагог мамандардың жемісті еңбек етулеріне мүмкіндігінше жағдай жасалды. Іскер басшының жаңа бастаған ісіне өздерінің біліктілігімен, ақыл кеңестерімен бөлісіп, білікті маман даярлауда аянбай еңбек еткен колледждің майталман оқытушылары Токқулиев Есенбек, Асқаров Аққал, Аймұрзаев Мақсат және Жылысбаев Қыдырәлі, Байменов Әлімхан, Байсалов Мейірбек, Абдраймова Айша, Аширова Мейраш, Абдрахманова Қалдықүл апайларымыздың еңбектері ұшан теңіз.

- Сонымен қатар колледжде студенттердің жаңа талапқа сай сапалы білім алуларына барынша жағдай жасалды. Колледждегі барлық дәрісханалар заманауи технологияның соңғы оқу құрал-жабдықтарымен қамтамасыз етілді. Олардың эстетикалық талапқа сай көркемделуі басты назарда болды.
- Колледжде 40-тан астам дәрісханалар, зертханалар, соның ішінде 7 компьютер класы, лингофондық кабинет, әдістемелік кабинет, кітапхана, 80 орындық оқу залы, спорт кешені, 50 орындық асхана, жатақхана, емдеу пункті, слесарлық-механикалық, электр монтаждау шеберханалары жұмыс істейді.
- Қазіргі уақытта Қазақстан Республикасының Білім және ғылым министрлігінің АА сериясы №0010110 мемлекеттік мерзімі шектеусіз лицензиясына сәйкес осы өңірге қажетті деген төмендегі мамандықтар бойынша жастарға білім берілуде.
- 0910000 – «Электрлік және электромеханикалық жабдықтар»;
- 1401000 – «Үйлер мен ғимараттар салу және пайдалану»;
- 1014000 – «Машина құрылысының технологиясы»;
- 0902000 – «Электрмен қамтамасыз ету»;
- 0907000 – «Техникалық жылу жабдықтары және жылумен жабдықтау жүйелері»;
- 1304000 – «Электрондық есептеу техникасы және бағдарламалық қамтамасыздандыру»;
- 0518000 - «Есеп және аудит»;
- 1201000 - «Автокөліктерге техникалық қызмет көрсету, жөндеу және пайдалану»;
- 1405000 - «Газ жабдықтау жүйесі мен жабдықтарды монтаждау және пайдалану».

**«КЕНТАУ КӨПСАЛАЛЫ КОЛЛЕДЖІ»  
МЕМЛЕКЕТТІК КОММУНАЛДЫҚ ҚАЗЫНАЛЫҚ КӘСІПОРНЫ**



## Кентау көпсалалы колледж тарихы

1992 жылдан бастап оқу орны Кентау политехникалық колледжі болып аталды.

2000 жылдан бастап өмір талабына байланысты техникалық мамандықтарды ашу, көбейту мақсатында «Кентау экономикалық колледжі» «Кентау көпсалалы колледжі» болып өзгерген.

**Қазіргі таңда Кентау көпсалалы колледжді** заманауи оқу материалдық базасымен: үш оқу корпусы, 30 оқу кабинеті, 11 зертхана, 9 шеберхана, 12 оқу дәрісханалары, соның ішінде 7 компьютерлік класы, әдістемелік кабинет, кітапхана, 80 орындық оқу залы, спорт зал, жаттығу залы, 70 орындық асхана, 150 орындық жатақхана, слесарлық механикалық электр монтаждау шеберханаларымен жабдықталған.

2022 жылы 800 м<sup>2</sup> спорттық кешені салынып, қолданысқа берілді.

2021 жылы колледж, ҚР Тұңғыш Президенті – Елбасы Н.Ә.Назарбаевтың Жастар жылының ашылу салтанатында жариялаған тапсырмасына сәйкес, «Жас маман» жобасы бойынша 1401042 «Ғимараттар мен құрылымдарды салу және пайдалану» мамандығының 1401042 «Штукатур» біліктілігімен және 0902000 «Электрмен қамтамасыз ету (салалар бойынша)» мамандығының 0902033 «Техник-электрик» біліктілігі бойынша өңірлік комиссиядан өтіп, аталған 2 мамандыққа құрал-жабдықтар алды.